

## نوٹکے۔ ذیء مروچی

محمد یوسف

Abstract:

Noshki is one of the richest and historical districts of Balochistan ,situated near the borders of Afghanistan and Iran .This paper Presents the past and present of the district's developments concerning to the education .Libraries, population , growth rate, literary activities, religious personalities, hygiene and court system. The paper will also focus the historical background of the word “Noshki” the communication system, different ethnic groups in perspective of gender, and bilingual proficiency of the area.

وطن ء مہریک فطری نین چی ہے۔ وطن ہما باگیں ڈگار انت کہ ماں آئی پراہ ء شاہگانیں امبازاں انسان رُ دیت مزن بیت ء زانت ء واہندہ بیت آئی تیوگیں مراد ہمداسر جم بنت ء آثرہ وش ء شاتکامی رسیت۔ انسان شہ وطن ء آپ تام ء گوات ء رُ دوم زوریت نفسیاتی وڑ ء انسان ء وطن دوستی ء سبب الیش انت کہ وطن ء دیہ پانی آباتی ء آوانی آئی (انسان ء) لپس ء پیرکانی جمد ء قربانی ہمگر نچ انت پیے خاطر ء انسان وطن ء شہ وتی سر ء ساہ ء دوست داریت۔ منے پاکیں نبی ء وطن ء مہر ء را ایمان ء بہرے گشتنگ۔ بازیں زانتکار ء کواساں وطن ء ماس ء درجہ داتنگ۔ بلوچانی بتلے کہ ”وائے وطن خشکیں دار“ کہ واجہ میر گل خان نصیر ہے بتل ء گیشوار ء کنان ء کشیت:

ہر چون بہ بیت وش دگر ء ملک ء دیار  
آبات ء جہان جل ء مزن نام ء وار  
شہد ء بہ تچ انت جو ء لیکن پہ نصیر  
شرتر شہ جہان انت وطن ء خشکیں دار

ہے وطن ء مہر انت کہ من ء بے جارات کُرت کہ من چی ہے زانتکاری شہے دیم ء بیاریں

نوشکیء نامء مطلبء معنا:-

نوشکےء نامء مطلبء معناء خاصیں تاریخی ڈسے نہ رسیت البتہ ہندی مخلوق ماں یک روایتےء گمش انت کہ گو سنگیں دوراں مگل (مغل) بادشاہ نوشکےء مخلوقء سرا ظلمء جبر کُرت ء شہء اُسء ناروائیں سنگء خراج گپت ءے۔ شہ مگلانی چرے ناروائیں کارء کرداں نوشکےء اُس سک دل سوک بوت۔ بادی طائفہء مردماں یک شپے نانء دعوت ء نیونء مگلانی اختیار داراں ماں وتی گساں لوٹ ات ء ہر گیسء یک اختیار دارےء رامہمان کنگ بوت۔ قولء اقرار ء وء شہ نان ورگ ء پیش لوڑی ء دھل ء توار بوت ء ہر گیس واہند گوں ”نوش کن ءے“ ء ہکل ء وتی مہمان ء راکشت ءے چوش بزاں کہ وتی مہمان ء نوش کرت ءے اے وڑ ءے ہمے روایت ء رد ء اے علاقہء نام نوش کن ءے ء رند ء نوشکے بوت۔

کوہنیں نقش ء نشان ء تاریخ:-

واجہ عبداللہ جان جمالدینی گشیت ”نوشکے انسانانی باز کوہنیں دوار جاہے کہ ادء بلوچستان ء دگہ ہندانی ڈول ء بازیں دمب ء نشان چو کہ گور بست، گورانی گوریا گبریا آچش پرستان گشنت (قبرستان ء قلاتانی نشان انگت ء است انت جمالدینی میتگ ء پشتی نیمگ ء ماہ گلی گنبد ء زربار ء مزینں دمب ء بلوانی تہ ء بازیں جاگہ ہے گواہی ء دینت کہ اید باز کوہنیں زمانگ ء انسان جاہمند بوتگ انت۔ پولٹیکل ایجنٹ ء بگلہ ء کوہ کہ ایشی ء راسگی قلات گشنت انت۔ پرنگی سوادیاں ہم ماں وتی نبشتا نکاں نوشکے ء کوہنیں ء عہدی انسانانی آباتیانی ہند گشنتہ“ ۱

شریشی ابید سہر دمب (ڈاک) ء اوتان ء ریک ء چیر ء ہم کوہنیں دورانی نشان است انت۔ واجہ میک کوہنگی گشیت۔

”شہ کوہنیں کاریز ء گنبدانی نشاناں اے پڈر بیت کہ ہما دور ء مردم ہنر ء زانت ء واہند

ات انت ء نوہیں جاہمند آوانی بارو ء چھی نہ زان انت“ ۲

ہے وڑ بانک گوہر ملک گشیت۔ ”نوشکےء مل ء علاقہء سید شاہ حسین نورانی ء گنبد ء دیم ء چھل ء پنج سال پیش مہما تہا بدھ ء مجسمہانی سر ایر انت ء شاہ حسین ء پکیر مراد بنداں گشنت انت کہ اے مگلانی سپاہیانی سر انت کہ خدا شہ سید شاہ حسین نورانی ء بددعانی برکت ء ایٹان ء سنگ جوڑ کرتہ۔“ دیتر ء بانک گوہر ملک گشیت کہ من ہے سنگی بتانی سراں پہ وتی چم دیستگ۔ ۳

گمان انت کہ شہ اسلام ء پیش اے علاقہ ء مردم مہا تما بدھ ء منوک بوتگ انت نوٹھے ء تاریخ ء بار و باز کم زانگ بیت۔ ”نوٹھے ء شہر ء کش ء گور ء کوھنیں گنبدانی بار ء ہندی مخلوق ء گشگ انت کہ اے ہما ہما منشی دؤر ء کیانیانی کہول نیگ انت ہے وڑ کوھنیں گنبدانی کچی ء کوھنیں کاریزانی بار و گمان انت کہ عربانی زانگ ء انت ء باز مردم ایشان ء مگلانی زانگ ء گش انت۔ ایش ہم گمان کنگ بیت کہ 1223 ء چنگیز خان ء بیچ چغتائی ء پد ء 1383 ء تیور ء بیچ میراں شاہ شمشیدراخان ء شت۔“ 1543 ء سال ء ہمایوں شہ نوٹھے ء سردیم پہ ایران ء شت۔ ۴

1556 ء بگرتاں 1595 ء اے علاقہ صفوی کہول ء بادشاہانی دست ء کپت ء شر آواں پد مغل اید حکومت کرت

انت۔ ۵

1698 ء سال ء شاہ ایران ء سپاہ بُند طہماسپ بیگ قلات ء قوضہ کنگ ء نیت ء چاگنے، نوٹھے ء کردگاپ ء پادمال کنان ء گوست لے میر عبداللہ خان (1716-1730) ء زانگ ء نوٹھے گوں ریاست قلات ء ہوار کنگ بوت۔ ولے 1733 ء قندھار ء غلزی کہول ء بادشاہ میر حسین غلزی نوٹھے ء گوں قندھار ء ریاست ء ہوار کُرت لہتیں سال ء پد نادر شاہ کہ نادر چمکش ء نام ء زانگ بیت نوٹھے ء سر احمہ کنگ ء خاطر ء وتی فوج ء دیم دات ہے اُرش ء درگت ء نوٹھے ء بلوچ لشکر پر ووش وارت نادر شاہ 1740 ء سال ء نوٹھے ء خاران ء نواب ء دات ولے دیر نہ گوست کہ میر نصیر خان اول (1750-1793) نوٹھے ء پد ء گوں ریاست قلات ء ہوار کُرت۔

احمد شاہ ابدالی قندھار ء حاکم کہ شہ ایران ء واکد ارانی دست ء سے وار ء پد مہ پد پر ووش ورگ ء پد وختے کہ کم واک بوت تہ بلوچانی خان نصیر خان ء پتہ وتی مک ء لوٹ ات نصیر خان ء سروکی ء بلوچ لشکر احمد شاہ ابدالی ء مک ء شت مشہد ء ہند ء دگ ء بلوچ لشکر ء گجراتی سپاہ دیم پد دیم بوت انت گجر پر ووش وارت ء سر سوہیں بلوچ لشکر پہ گنجیں قلات ء وارت بوت شہ مشہد ء وتری ء وخت ء سال 1770 ء وختے کہ نصیر خان گوں وتی لشکر ء ماں نوٹھے ء سر بوت تہ نوٹھے ء مردماں آئی انکس خدمت کُرت کہ نصیر خان آواں ء ”دل کشتا، براں پراہ دل ء نام دات“ ۸ ماں نوٹھے ء شہر ء قطبی پہناد ء نصیر خان ء مسیت تنگ ء است کہ مرچاں ملیشیاء (FC) اے ڈگار ء قوضہ کُرت۔ نصیر خان ء مسیت ء قطبی نیمگ ء پے زوتاں سنگانی چیدگ انت کہ نصیر خان ء یات ء ایر کنگ بوتگ ات انت۔ میر گل خان نصیر ہے چیدگانی بار و اُشیت۔

بندنت شہ ڈل ۽ سنگال دو صد چیدہ پہ پات ۽

راہانی سرا بوتہ اچوداں کہ گزر مئے

1899ء سال ۽ نوٹھے ۽ نیابت ۽ خان قلات 9000 روپی سالانہ ۽ عوض ۽ انگریزانی دست ۽ دات ہے درگت ۽ ریلوائی (ریلوے) ۽ لائن ہم تیار بوت ۽ نوٹھے ریل ۽ وسیلہ ۽ گوں ہندوستان ۽ پوسٹ بوت۔

### آبائی (Population)

نوٹھے ۽ کوہن ترس جاہمنند ماندائی طائفہ انت۔ پد ۽ جمال دینی ۽ بادینی، رند تر ۽ مینگل اید آہتنگ ۽ جاہمنند بوتگ انت۔ 1696ء سال ۽ مینگل ۽ رختا نیانی نیام ۽ حونی نیس جنگے بوت کہ تاں بازیں سالوں بر جاہ منت اے میر محراب خان ۽ دورات۔ میر نصیر خان ۽ وخت ۽ اے جنگ صحل کنگ بوت۔ نوٹھے ۽ ضلع ۽ گیشتر ڈگار ہے سئے طائفہ بزاں مینگل، بادینی ۽ جمال دینی طائفہ ۽ میراث انت شریشی ابید شیخ حسین، صاحبزادگ، سید، ساسولی، ہم اید امیراث دارنت۔ ماسنی، بڑپچی، لاگو ۽ بقال ہم اید امز نیس کسا سے ۽ جاہمنند انت۔

نوٹھے ۽ سال 2003ء ضلع ۽ درجہ دیگ بوت چد ۽ پیرا اے ضلع چاگئے ۽ تحصیلے ات۔

نوٹھے ۽ ضلع ۽ انتظامی یونٹانی بہر ۽ بانگ اے وڑانت۔

نام انتظامی یونٹ	قانون گو	پٹوار سرکل	موضع / دیہہ	یونین کونسل
اشٹار	2	3	45	10

نوٹھے ۽ ضلع ۽ آبائی 1998ء مردم اشٹاری ۽ رد ۽

علاقہ	مردین زہگ	زالبول	کل
تیوگینس ضلع	51394	46636	98030
ہلک ۽ پھوال	38683	35399	74082
نوٹھے ۽ شہر	12711	11237	23948

اے وڑ آبائی ۽ 24.4 در صد نوٹھے ۽ شمار ۽ نشت ۽ نیاد کنت ۽ 75.6 در صد پھوال ۽ ہلکانی مندوک انت۔ 1998ء سال ۽ مردم

اشٹاری ۽ نسبت ۽ گمان انت کہ سال 2005ء نوٹھے ۽ آبائی 1,46,000 بیت۔

1998ء مردم اشاریہ اردء گسانی اشار

ہلکء پھوال	نوحےء شہر	کل
10941 گیس	2476 گیس	13417 گیس

نوحے ضلعء کل دہ یونین کونسلائی تہء بہر کنگ بوتہ اے یونین کونسلائی نام اے وڑا انت یونین کونسلا بازار، یونین کونسلا نوحے، یونین کونسلا مینگل، یونین کونسلا بادینی، یونین کونسلا جمالدینی، یونین کونسلا کیشتگی، یونین کونسلا ڈاک، یونین کونسلا نام بوستان، یونین کونسلا احمد وال، یونین کونسلا بانک مل۔

سال 2005ء ووٹرائی کساس:

مسلمان	بقال		عیسائی		سکھ		کل
	مردین	زالبول	مردین	زالبول	مردین	زالبول	
	زہگ	زہگ	زہگ	زہگ	زہگ	زہگ	
28842	24581	262	71	54	2		54085

بقالائی آباتی سال 2005 (غیر سرکاری)

مردین زہگ	زالبول	کل
715	735	1450

زبان :- نوحے یک Bilingual بزباں دوزبان گشوکیں علاقے ایدرا براہوئیء بلوچی ہر دوزبان گشگء پھمگ بنت۔ بادینی، جمالدینی، صاحبزادگء سید بلوچی زبان گش انت البتہ جمالدینی طائفہء پہلوان زئیء حیدر زئی ٹکء سیدانی یک گونڈیں بہرے براہوئی زبان گش انت۔ ہے وڑ بادینی طائفہء ماکیء بلغانی ٹک براہوئی گش انت۔ مینگلء ماسنی براہوئی، بڑیچی اوگانی (پشتو)ء بقال سرانگی زبان گش انت۔

گل زمین: سیمء حد :- نوحےء ضلعء چارمہ کنڈی ڈگار 5700 مربع کلومیٹر انت کہ شہ عرض بلد

29.5 4.E ء بگرتاں 66.25 E- ء نیام ء انت ء شہ زرع سند بزاں سطح سمندر ء کم ء گیش 3000 فٹ برزانت۔ ضلع ء قطبی نیمگ ء شور اوک اوگانستان، روکپتی نیمگ ء ضلع چاگئے جاندمی نیمگ ء ضلع خاران ء روٹکی نیمگ ء ضلع مستونگ انت۔

کوہ ء میدان :- ضلع نوٹھے دشت ء دامان، ریک ء کوہ ء پٹانی ہوار سواریں علاقے ضلع ء روٹکی قطب روٹکی ء جاندمی بہر کوہستگ انت۔ سرلٹ ء کوہانی ردگ (کہ ضلع ء قطب روٹکی نیمگ انت) ء برز ترین شک۔ 6273 فٹ انت سرلٹ ء کوہانی ردگ (سلسلہ) ڈگار جنب ء تل (CRACK) یے سر انت کہ اے تل (CRACK) گریٹ ہمالیائی فالٹ ء بہرے۔ ضلع ء کوہانی برز ترین شک طافونی ء کوہانی ردگ ء انت کہ شہ زرع سند ء 6875 فٹ برزانت۔

ضلع ء مزنیں بہرے پٹ ء میدان انت۔ قطبی بہرے مزنیں میدانے کہ ڈاک ء میدان گنگ بیت۔ ڈاک ء میدان ء پہناد 25 کلو میٹر ء دراجی 100 کلو میٹر انت۔ ہے میدان ء سراجاگہ جاگے ریکانی ردگ ہم است۔ شریشی ابید مل ء کیشنگی ہم میدانی علاقہ انت۔

ضلع ء قطبی بہر کہ گوں اوگانستان ء سیم سر ء ہوار کپیت ریکستگ انت۔

موسم :- ضلع ء موسم خشک انت نوٹھے ء شہر، مل ء ڈاک تیر ماہ ء سک گرم ء چلگ ء سک سرد بنت۔ البتہ گلگور، کیشنگی، ء سرلٹ ء علاقہ ء موسم سرد انت۔ ہور کیشتر زمستان یا چلگ ء بیت ہور ء اوسط کساس چارتاں پنج انچ سالانہ انت۔

کور جو ء ڈیم :- نوٹھے ء ضلع ء کیشتریں بہر کوہستگ انت۔ انچہ تو گونڈ گونڈیں نلی ء کور شہ کوہ ء ڈل دیماں یلہ بنت ء وتی حد ء میل ء ڈگاراں آبات کن انت ولے بورنالہ ء خیصار دو مزنیں ہوری کور انت کہ مزنیں علاقے آبات کن انت۔ بورنالہ شہ بلوچستان ء مزنیں ہوری کور اں یکے کہ کوٹک چمن ء بگرتاں کڈ کوچہ ء کردگاپ ء آپ شیوگ ء ہوری آپ پے کور ء تہ ء کئیت ء ڈاک ء گنجیں علاقہ آبات کنت ہے کور ء زیاتی نین آپ زگی ناؤ ء نامداریں شکار جاہ ء پُر کنگ ء پدیم پہ روکیت ء روت ء ضلع چاگئے ء سیم سر ء ہامون ء جم بیت۔ ہے وڑ ضلع ء روٹکی بہر ء کوہانی آپ خیصار ء کور ء تہ ء کیت ء نوٹھے ء شہر ء کش ء گور ء ڈگاراں آبات کنت۔

تاں لتیں سال پیش جوئے نوٹھے ء نام ء چمگی آپے کہ نوٹھے ء شہر ء کش ء گور ء علاقہ ء کشار کاری ء ورگی آپ ء مزنیں وسیلے ات شہ کاخت سالی ء ڈکال ء ٹیوب ویلانی وسیلہ ء چیر زمینی آپ ء در آہگ ء آپ ء سند ء جہل کپگ ء سبب ء ہے جو خشک بوت۔ ایریکیشن ء

کارگل چیر زینی آپ ء سندء بزرگنگ ء خاطر ء ماں ضلع ء کو ہستنگیں علاقہاں ہو رء آپ ء جم کنگ ء خاطر ء شش ڈیم بستگ ڈیمانی نام ایش انت۔

گوری ڈیم، خیصار ڈیم، مودنک ڈیم، پلیاں ڈیم، غنول ڈیم ء صنجر ونلی ڈیم۔ فلڈ ایریکیشن اسکیم ء دو ڈیم ماں ڈاک ء بندگ بوتگ یکے بورنالہ فلڈ ایریکیشن ڈیم ء دو می ہزار جفت فلڈ ایریکیشن ڈیم۔

لد ء جنگل، جرء بوج:۔ ضلع ء یکیں جنگل خیصار کورء جنگل انت۔ جنگلات ء کارگل اے جنگل ء راک کر تگ۔ جنگل ء گیشتر در ہج گزانت البتہ ماں اے جنگل ء جورء سول ہم مزین کسے ء است۔ ہے وڑ جنگلات ء کارگل نوٹھے ء شہر ء قطبی نیمگ ء بٹو ء ہلک ء گور ء ریک بندی ء خاطر ء جرء بوچاں راک کر تگ۔ اے راک ء گیشتر بوج ء سول، تاگر، پوگ، ایشرک ء لاڑگ انت۔ ہ مروچی ضرورتانی خاطر ء ایندھن ء نہ بوگ ء سبب ء ضلع ء جاہمنند جرء بوچاں شہ بن ء بنج ء کش اتگ ء سوہتگ کہ موسم ء سرالیشی حرائیں اثر کپتگ۔

وانگ ء زانگ :- ماں ایشی ء ہج بھکے نیست کہ نوشت (تحریر) انسان ء مزین کارنگے شریشی وسیلہ ء انسان وتی ادبی ء ثقافتی میراث ء پہ وتی پد ء پاچوڑ براں پسماندگاں کلیت۔ تعلیم ء برکت ء یک قومے ترقی ء دیرونی ء پادگلاں پاداں ایرکنان ء آسودگی ء منزل ء سر بیت۔ ماں نوٹھے ء شہر ء اولی اسکول کہ پرائمری اسکول ء ات سال 1903 ء بچ کنگ بوت چد ء پیسر وانگ ء یکیں وسیلہ مسیت ات انت کہ زہگ اودا سپارگ ء قرآن وانت انت۔

نوٹھے ء وش سختی ات کہ آرائمر گل خان نصیر ڈولیں روشن فکریں سروکے ء راہدر بری رست۔

میر گل نصیر خان نصیر، آرات جمال دینی ء عبداللہ جان جمال دینی ء بے مٹیں جہدانی آسرا ء اے علاقہ ء الس ء سیاسی ء چاگردی شعور رست ء وانگ ء پلو ء دلگوش دات انت ء مروچی نوٹھے علم ء زانت ء پڑ ء دیرونی کنان انت۔

سال 1998 ء مردم ایشاری ء رد ء تعلیم ء سند (درصد)

علاقہ	لس تعلیم	پرائمری ء	پرائمری	مڈل	میٹرک	انٹر	گریجویٹ	پوسٹ	ڈپلومہ /	دیگر
		جہل					گریجویٹ	گریجویٹ	سرٹیفیکٹ	

3.84	0.30	1.32	2.83	5.77	16.15	17.44	26.4	26.32	13792	ہلک و پہلو
1.79	0.69	1.59	2.72	5.07	14.22	20.54	32.69	20.67	7087	نوٹھے ء شہر
3.14	43.	1.41	2.80	5.53	15.49	18.49	28.30	24.40	20879	کل

سال 2005ء درگت ءمان سرکاری اسکولاں وانوکانی اشمار

جنس	پرائمری سیکشن	مڈل سیکشن	ہائی سیکشن	کل
بچک	8461	1718	733	10912
جنک	6706	1359	525	8590
کل	15167	3077	1258	19509

سال 2005ء درگت ءمان کالجوں وانوکانی اشمار

جنس	ایف اے، ایف ایس سی اولی سال	ایف اے، ایف ایس سی اولی دومی	بی اے۔ بی ایس سی سیسی سال	بی اے، بی ایس سی چارمی سال	کل
بچک	222	116	80	41	459
جنک	88	119	39	72	318
کل	310	235	119	113	777

سال 2005ء درگت ءمان ضلع ء اسکول ء کالجانی اشمار

جنس	پرائمری	مڈل	ہائی	انٹر کالج	ڈگری کالج
بچک	99	14	15	---	1
جنک	46	17	8	1	---
کل	145	31	23	1	1



سال 1998ء مردم شماریء درگتء وانڈگی نسبت (Literacy Ratio) (شہ 10 سالء برز)

علاقہ	مردین زہگ	زالبول	کل
ہلکء پھوالء نندوک	43.54	14.08	29.58
شہرء نندوک	58.59	30.85	45.72
کل	47.33	18.18	33.59

تعلیمء دیروئیء خاطرء گوں حکومتء ہمرائیء پرائیوٹ سکیٹر ہم وتی وسءء جہد کنگء انت چوش کہ ماں نوٹھےء شہرء 12 پرائیوٹ اسکولء ماں تیوگیں ضلعء 35 اسلامی مدرسہ علمء رزنء اتلان کنگء انت ESRA نامیں این جی او یے یو ایس ایڈ پروگرامء مکء اسکولء استادء ہیڈ ٹیچر اں ٹیکنکل ٹریننگ دیگء انت۔

سال 2005ء درگتء اسلامی مدرسہ پرائیوٹ اسکولاں وانوکانی

تعلیمی	پنجابانی اشار	وانوکانی اشار	استادانی اشار
اسلامی مدرسہ	35	2053	154
پرائیوٹ اسکول	12	2390	75
کل	47	4443	229

کتاب جاہ (لابیری)

کتاب جاہ کہ علمء زانتء سرچنگ زانگ بنت ماں انسانء ذہنی ردوم (ارتقاءء مزنیں کردے پیشدارنت یک قومء دیروئیء کچ آکیل تعلیمی ادارہء لابیری زانگ بنت لہتیں سال پیش اوریا مقبول جان ڈپٹی کمشنرء حیثیتء نوٹھےء آحت۔ آئیء میر گل نصیر خان نصیر لابیریء دروشمء نوٹھےء السء ایک علمی سوغاتے دات میر گل خان نصیر لابیریء سببء ماں نوٹھےء کتاب دوستیء دودے بوتگ۔

گورنمنٹ ڈگری کالج نوٹھے گرلز انٹر کالجء ماڈل ہائی اسکول نوٹھےء لابیریاں کتابانی گنجے ماں انت کہ طالب علم شرآے لابیریانی وسیلہء وتی علمء زانتء گیش کنگء انت۔

کرار اکیڈمی کہ ماں نوٹھے ء شہر ء انگلش لینگوئج سنٹرے پیج کر تگ۔ اے سنٹر نے کٹ ء نئے تاوان ء ( NO loss, No Profit) بنیات ء کارکنگ ء انت ء طالب علماں لا بھریری ء آسراتی ہم رسینگ ء انت۔ شریشی ابید ماں نوٹھے ء ضلع ء آددا تگیں ایدگہ کتاب جاہانی نام اے وڑانت۔

بانک گوہر ملک لا بھریری کلی مینگل  
منیر احمد بادی لا بھریری کلی شریف خان  
کفایت کرار لا بھریری کلی سردار بادی  
کسب ء ہضر ء ہیلکاری:

کس ء ہضر ء ہیلکاری ء خاطر ء سوشل ویلفیئر ء کارگل بازیں ہیلکاری کورس بنا کر تگ چوش کہ

۱۔ جنک ء بچکاں گد دوچی، کشیدہ کاری ء بجلی ء کار ہیل دیگ

۲۔ ٹائپنگ ء کورس ء کورس ء پد ہیلکاراں ڈپلومہ دیگ بیت

۳۔ دستکاری / چگیں دوچی بنجاہ ء زالبول ء جنکاں بلوچی چگیں دوچی ء کار ہیل دیگ بیت ء ہیلکاراں کورس ء آسربوگ ء پد ڈپلومہ دیگ بیت۔

۴۔ کوآپریٹو ملٹی پریز کریڈٹ سوسائٹی: شہ اقوام متحدہ ء (ذیلی) چیری کارگل یونیسیف ء نیمگ ء زالواں بید سوت ء وام (قرضہ حسنہ) دیگ ء خاطر ء فنڈ دیگ بوتہ تانکہ آپہ وت ء گونڈیں کاررو بارے بناہ کن انت۔

۵۔ ماں تیوگیں ضلع ء کساس بیت این جی او ء فلاحی انجمن مالی، چا گردی ء لیبی سرگرمیانی خاطر ء کارکنگ ء انت۔

سہال انڈسٹریز ء کارگل غالی گواپی ء یک بنجاہے ٹاہینتہ کہ برے بنجاہ ء بیست بچک غالی گواپی ء کار ہیل کنگ ء انت۔ ہیلکاراں ماہ ء شش صدر پی مزد ہم دیگ بیت۔

گزران ء وسیلہ:

ضلع ء الس ء گزران ء بازیں وسیلہ انت چوش کہ کشارگری مالداری، سرکاری ء غیر سرکارگلائی ملازمت واپاری ء دگہ دگہ۔  
کشارگری ء مالداری:

ضلع آباتی 75.6 در صد مردم پہوال ء ہلکانی نندوک انت ء کیشتر گوں کشار گری ء مالدار ی ء کار ء وابستگ انت۔ ضلع ء مز نیں بہر حشکا وگ انت کشار گری ء مالدار ی ء دار ء مدار ہور ء سر انت۔ اگاں ہور ء آبادی بوت تو کشار گری ء مالدار ی ء سر اجوائیں اثرے کسیت خاص کن ڈاک ء علاقہ اگاں آبات بوت تو مالدار ء زمینداراں مالی وڈ ء مز نیں لکے رسیت ہے گنجیں ڈاک ء بارو ء واجہ آزات جمال دینی کشیت

بزگرانی جاک ء کوکار ہور باراں  
ہور ء باران ڈاک وادان  
گشت ہامون پٹ ء میدان  
کوڑ ء چیلاں پرتاں لنٹاں

ضلع ء ہما حد اں کہ بجلی سر بوتہ اودا ٹیوب ویلانی سبب ء کشار گری سک دیرونی کنان انت ولے ہے ٹیوب ویلانی شپ ء روچ آپ ء کشگ ء سبب ء چیر زمینی آپ ء سند سک جہل کپان انت ایسی آسرمے ماں ضلع ء 14 کاریز ء 6 چمگ حنک بوتگ انت۔ سال 2005 ء فصلانی بار و اڈ سٹر کٹ آفیسر ایگر یکلچر آفیسر واجہ خالد محمود بادی نی ء رد ء بند داتنگین اشارے وڈ انت۔

فصل ء نام	گلہ	جو	پیاز	زیرگ	سوزی	اسپست ء دگہ کاہ	کوٹگ ء گلو	پمگ	روچ گردان ء تخم	ماش	انار	انگور	حرماگ
کشکیں دگار	13140	750	7200	3270	7883	4000	3735	300	475	140	160	75	20
فصل ء بر	23652	3750	50400	1168	46557	54274	35795	321	339	100	---	---	---
	ٹن	ٹن	ٹن	ٹن	ٹن	ٹن	ٹن	ٹن	ٹن	ٹن			

ماں ضلع نوٹھے ء ٹیوب ویلانی اشار

بجلی	ڈیزل	کل
400	190	590

کشار کار مشینری

مشینری	ٹریکٹر	تھریشر	ہارویٹر	ریپر	بلڈوزر
اشار	570	90	10	4	17

گوٹگیں ہفت سال ء کاخت سالی (ڈکال) ء سبب ء مالدارى ء سرائراہیں اثرے کپت۔ ماں تیوگیں ضلع ء کساس 56 در صد پس، بڑ، گوک، ء اشتر کاخت سالی ء گواچی بوت انت۔

گوکپانی: (Dairy Farming) تیوگیں ضلع ء خاص نوٹھے ء شہر ء کش ء گور ء علاقہ ء مردم مزنیں کساس ء گوکپانی ء کار ء گلائیش انت۔

سال 2005 ء درگت ء ضلع ء سرکاری ء غیر سرکاری ڈیری فارمانی اشرا ء پیداوار (کم ء بیش)

گوکانی اشار	ہر گوک ء شیر ء پیداوار	شیر ء کل پیداوار
3000	اوسط لیٹر یک روچے	30000 لیٹر شیر ہر روچ

مرگپانی (Poultry Farming) ماں ضلع ء مرگپانی ء صنعت روچ پہ روچ دیرونی کنان انت۔ ضلع ء نو در صد پولٹری فارم ماں کیشتگی ء علاقہ ء انت۔

سال 2005 ء درگت ء پولٹری فارمانی اشرا ء پیداوار

مرگ ء قسم	گور نمٹ پولٹر فارم	پرائیوٹ پولٹری فارم	کل	پیدائش سالانہ
برا مکر	1	95	96	1400000 مرگ
لیئر	1	1	2	1500000 رپی

گزران ء دگہ وسیلے سرکاری ء غیر سرکاری سیکٹر ء نوکری انت۔

2005 ء سال ء ماں ضلع ء شہہ گریڈیک ء بگرتاں گریڈ نو زودہ ء ملازم ء پنشنزانی اشرا

ضلعی حکومت	صوبہ	وفاق	غیر سرکاری کارگل ء پرائیویٹ اسکول	پنشنز	کل
3030	580	3402	850	1805	9667

واپاری (تجارت):

نوٹھے ۽ شہر ماں میٹنل ہائی وے ۽ اوگانستان ۽ سیمسر ۽ نرینک بوگ ۽ سبب ۽ شہ بلوچستان ۽ مزینیں واپاری بنجاہاں یکے سیمسری واپاری ۽ ابید شور اوک (اوگانستان) بکتکن (ضلع خاران) ۽ کردگاپ (ضلع مستونگ) ۽ علاقہ ۽ واپاری بنجاہ ہم نوٹھے ۽ شہر انت پیے خاطر ۽ نوٹھے ۽ واپاری بودشت روچ پیہ روچ و دان انت۔

نوٹھے ۽ شہر کمرشل ۽ نان کمرشل یونٹ:

کمرشل یونٹ (دکان ۽ کرائی گھس)	نان کمرشل یونٹ (رہائشی گیس)	کل
1728	1775	3503

عدالتی نظام:

ماں نوٹھے ۽ شہر ۽ سال 1995 ۽ ایڈیشنل ڈسٹرکٹ اینڈ سیشن جج ۽ عدالت وتی کار بنا کرت۔ عدالت ۽ یک سنیر سول جج، دو جوڈیشل مجسٹریٹ یک ڈسٹرکٹ اٹارنی ۽ یک قاضی یے کارکنگ ۽ انت نوٹھے بار ۽ کل 15 ممبر (باسک) انت۔

ماں ڈسٹرکٹ اینڈ سیشن جج نوٹھے عدالت ۽ سال 2005 ۽ جنوری ۽ ماہ ۽ بگرتاں نومبر ۽ ماہ ۽ داخل بوتگیں کیس ۽ دعویٰ

نمبر شمار	کیس ۽ نام	پیش ۽ سال ۽ منتگیں کیس	متدارہ	کل	فیصلہ	بقایا
1	تعزیرات پاکستان PPC	2	18	20	16	4
2	قتل	6	10	16	14	2
3	قصاص ۽ ڈیت	6	12	18	16	2
4	منشیات	1	6	7	4	3
5	سلاح ۽ مقدمہ ARMS CASES	5	6	11	8	3
6	گونڈیں زہگانی مقدمہ	1	---	1	1	---
7	اپیل فوجداری	1	11	12	12	---
8	کسٹم ایکٹ	1	---	1	1	---
9	سول اپیل	1	17	18	15	3

برزءِ داتگیں کیس ءِ مقدمہ ہانی ہشاد در صد ضلع چاگئے نیگ انت چیا کہ ضلع چاگئے ءِ سول عدالت ڈسٹرکٹ اینڈ سیشن جج نوٹھے ءِ ماتحت انت۔ اے وڈ برزءِ داتگیں کسی ءِ مقدمہ ہانی بیست در صد ضلع نوٹھے ءِ جاہمندانی انت۔ سول جج نوٹھے ءِ عدالت ءِ سال 2005 ءِ جنوری ءِ ماہ بگرتاں نومبر ءِ ماہ ءِ داخل بو تگیں کیس ءِ دعویٰ۔

نمبر شمار	کیس ءِ نام	پیش ءِ سال ءِ کیس	متدارہ	کل	فیصلہ	بقایا
1	دعویٰ دیوانی Civil suit	12	24	36	23	13
2	کہول ءِ مقدمہ Family cases	3	8	11	7	4

جوڈیشل مجسٹریٹ نوٹھے ءِ عدالت ءِ سال 2005 ءِ جنوری ءِ ماہ بگرتاں نومبر ءِ ماہ ءِ داخل بو تگیں کیس ءِ دعویٰ

نمبر شمار	کیس ءِ نام	پیش ءِ سال ءِ کیس	متدارہ	کل	فیصلہ	بقایا
1	تعیات پاکستان PPC	----	28	28	12	16
2	قصاص ءِ دیت	4	25	29	22	7
3	حد مقدمہ	3	9	12	10	2
4	مانٹرایکٹ Minor act	1	58	59	59	---
5	اسلحہ ایکٹ	----	10	10	7	3
6	منشیات	1	---	1	1	---

تاریخی، مذہبی ءِ ادبی شخصیت:

اولی جہانی جنگ ء پدماں بر صغیر ہندوستان ء انگریزانی خلاف آجوتی ء جنر ترند تر بوت۔ آجوتی ء جنر ء اثر نوٹھے ء سر اہم کپت انت۔ سردار رحیم خان بادی گوں وتی طائفہ ء کساس چار سد گس ء ماں اوگانستان ء یگی بوت ء گوں وتی سر مچاراں انگریزی چوکی ء پکانوایانی سر ء حملہ کنگ ء سلسلہ بنا کرت نوٹھے ء اسٹیشن ء لٹ ات ریل ء اوشارینت ء وانگریز کارداران کشت۔ ۱۰ محمد مراد غازی کہ نوٹھے ء مینگل طائفہ ء سر مچارے ات، شہید میر علی دوست ء سنگت ء ہمراہ ات ء انگریزانی خلاف جہاد ء۔ بہر گپت۔

مذہبی شخصیت:

ماں نوٹھے ء نامداریں مذہبی مردماں سید شاہ حسین، سید شیر جان آخانوابہ احمد صاحبزادہ محمد حسین جان، مولانا غلام حیدر نوشکوئی ء مولانا محمد افضل ء مولانا اصالح محمد مرحوم ء نام ہوار انت۔

ادبی شخصیت:

نوٹھے ء نامداریں شاعر ء لبرانسانی رد ء ریکی بشام پکیر شیر جان، قیصر خان فقیر زئی، میر گل خان نصیر مولانا گل محمد نوشکوئی، آزات، جمالدینی، عبداللہ جان جمالدینی، امیر الملک مینگل، گوہر ملک، منیر احمد بادی، کفایت کرار ء میر عاقل خان مینگل حکیم خدائے رحیم ء عبدالواحد بندیک ء نام مان انت۔

ادبی گل:

نوٹھے ء راگاں میر گل خان نصیر ء آزات جمالدینی وڑیں نامداریں لبرانمتاں ادب ء جہان ء درستی راستی کنائنت تودومی نیمگ ء راسکوہ ادبی دیوان ہم ادب ء دیروئی ء دوم ء مزین کدے پیشداشتنگ راسکوہ ادبی دیوان ماں نوٹھے ء ادب ء نرسری ء حیثیت ء زانگ بیت۔ مروچی اے دیوان نہ ایوک ء ادبی بلکن ء شنگ کاری ادارہ ہے ء حیثیت ء ہم نامداریں انت۔ تنے وخت ء اے گل کساس پانزدہ کتاب شنگ کرتگ۔ راسکوہ ادبی دیوان ء سال 2005 ء ممبر شپ 18 انت۔ آزات جمالدین ء میر گل خان نصیر اکیڈمی ء برگ ء نام ء ہم ادبی گل است اتن کہ ادب ء دوم ء خاطر اجہد ء انت۔

ادبی تاک:

ماں بلوچی ء براہوئی زبان ء ادب ء صحافت ء دیروئی ء نوٹھے ء ونڈ ء بہر شہ بلوچستان ء ایدگہ علاقہاں گیش انت ء بلوچی صحافت ء سر کردگیں نام شہ نوٹھے ء تعلق دارنت۔ چوش کہ میر گل خان نصیر آزات جمالدینی، عبداللہ جان جمالدینی، عبدالواحد بندیک،

یار جان بادینی، آغاز اہد حسین، شاہ نذر بادینی، کاظم مینگل، شہ نوٹھے، شنگ بوکیں تاکانی ردء ماہتاک ” بلوچی زند“ ماہتاک آسیاب، سے ماہی تاک، ” چراگ“، ” ماہتاک“ مہرء نام مان انت۔

صحتء جان جوڑی:

56 بسترہ ضلعی ہیڈ کوارٹر ہسپتال

14 ڈاکٹر (مردین)

6 لیڈی ڈاکٹر

10 بسترہ زابلولانی ناجوڑیانی وارڈ

1 ڈاکٹر جنین آدم

1 انجمن بلال احمر پاکستانء کلینک

1 لیڈی ڈاکٹر

2 ماں ضلعء ہلکء پھلوالاں کارکنو کیں ڈاکٹر

12 بیسک ہیلتھ یونٹ (BHU)

10 سول ڈسپنسری

3 چائلڈ کیئر نٹر

25 EPIء ویکسینیٹر

4 پرائیویٹ کلینک

10 ڈاکٹر عبدالرشید فاؤنڈیشن فری

1 ایبوی لینس سروس

حالسرسیانیء وسیلہ:

ماں ضلعء سرکاریء غیر سرکاری ٹیلی فون کنکشنانی اشارہ 1950ء وائر لیس لوپ سسٹمء ٹیلی فون کنکشنانی اشارہ 800 انت وائر لیس

لوپ سسٹمء دگہ 800 لائنء، ایکس چینج یےء سرکار بوگء انت۔



بجلی:

400

ماں ضلع ء ٹیوب ویل کنکشنانی اشہار

7625

نان کمرشل / اگسی کنکشن

1256

کمرشل کنکشن

2

آرت ء مل ء کنکشن

3

برف ء کارخانہ ء کنکشن

ورگی آپ:

27

کیونٹی ٹیوب ویل

11 (بجلی)

سرکاری خرچ ء ہلو کیں ٹیوب ویل

3 (ڈیزل)

سرکاری خرچ ء ہلو کیں ٹیوب ویل

3

ونڈ مل (شہ وات ء وسیلہ ء کارکنت)

2

چمگ ء آپ ء پائپ لائن اسکیم

50

ہینڈ پمپ

رد ء آء وسیلہ:

شہ ضلع ء نیام ء نیشنل ہائی وے ء شاہدگ گوزیت ہے وٹ شہ نوٹھے ء شہر ء تاں اوگانستان ء سیم سر ء جاندی نیمگ ء دیم پہ خاران

پکائیں دگے است۔ شریشی ابید ضلع ء بازیں ہلک ء میتگ پکائیں دگ ء وسیلہ ء گوں نوٹھے ء شہر ء ہوار بوتگ انت۔

لیب ء گوازی:

ماں نوٹھے ء شہر ء یک فٹبال ء یک کرکٹ اسٹیڈیم یے ء ماں کلی مینگل ء یک فٹبال اسٹیڈیم یے است۔

ساعت ء پاس:

روچ ء شپ ء پاس

رونک

چاشت۔۔ روچ کہ نیزگے برزبیت

نیم روچ

برز پیشم شہ پیشم کمین پیش

پیشم۔ چلگ سے۔ جبہ تیر ماہ چار۔ جبہ وخت

برز دیگر۔۔ شہ دیگر کمین پیش

دیگر۔۔ چلگ پنج۔ جبہ تیر ماہ شش۔ جبہ وخت

شام۔۔ رو کپت

خفتن۔۔ چلگ ہشت تیر ماہ نہہ۔ جبہ

نیم شب

اسپیدگ ٹگ۔۔ شب آسر

گور بام۔ شہ روٹک پیش

ہفتگ وروچانی نام:

یک شنبے، دو شنبے، سے شنبے، چار شنبے، پنج شنبے، جمعہ اول ہفتگ

ماہانی نام:

۱۔ یاحسینی ۲۔ سفر ۳۔ اولی گہار ۴۔ دومی گہار ۵۔ سیمی گہار ۶۔ چارمی گہار ۷۔ پانزدہ مردگی ۸۔ شب برات ۹۔ ماہ ۱۰۔ روچک

گونڈیں عید ۱۱۔ نیام عیدان ۱۲۔ مزین عید ماہ

موسم پاس:

پیریں مردم تنگ حساب خاطر سال ماں نوہ ونڈاں بہر کن انت کہ ہر ونڈ چل نیم روچ نیگ انت اے حساب شہ نومبر اولی

تاریخ بنابیت۔ اے پاسانی نام اے وڑانت۔

۱۔ چلہ حیک ۲۔ چلہ تر ۳۔ چلہ سیاہ ۴۔ چلہ سبز ۵۔ زرد ۶۔ آہڑے۔ ساوڑ ۸۔ سہیل ۹۔ نفت

کچہ کیل:

کچ: گچیر یا گچیل۔ کاسک چٹء بگرتاں شتء لنکء ۽ دراجی  
 گنزیا گمز چیچکولء بگرتاں شتء لنکء ۽ دراجی  
 ارش توکی لنکء ۽ بگرتاں باسک ۽ دراجی  
 گوانز ہر دوستانی تھی ۽ دراجی بزاں ہر دو دست کہ افقی دراج بہ بنت توشہ یک دست ۽ تروکی لنکء ۽ بگرتاں دومی  
 دست ۽ توکی لنکء ۽

کیل:

چک ہور تیں جی یے کہ گوں کاسک چٹء لنکء ۽ شتء لنکء ۽ زورگ بیت  
 پک دل دست ۽ سرائیک پکی یے کچ ہور تیں جی  
 مٹ مٹیں دست ۽ پرے  
 لپ پچیں دست ۽ پرے  
 چنک ہر دوستانی پر  
 کڑوہ 6 لپ  
 مانزی دو کڑوہ  
 کاسگ 5/1/4 سیر  
 بار 50 کاسگ  
 خروار 80 کاسگ

سرشون (References)

- ۱۔ مرگ مینا تاکدیم 7
- ۲۔ دی گیز نیٹ آف بلوچستان چاغی تاکدیم 46
- ۳۔ ماہنامہ سنگت (عورت ایڈیشن) مارچ 2001 تاکدیم 26
- ۴۔ ذی گز نیٹ آف بلوچستان چاغی تاکدیم 31
- ۵۔ ہمیش تاکدیم 33
- ۶۔ میر گل خان نصیر تاریخ بلوچستان تاکدیم 23
- ۷۔ دی گز نیٹ آف بلوچستان چاغی تاکدیم 34
- ۸۔ ہمیش تاکدیم 35
- ۹۔ ہمیش تاکدیم 31
- ۱۰۔ میر گل خان نصیر تاریخ بلوچستان